

Maligaralaat Naasauting. 2

Maligaralaat Ilaliutisimajut

Piliriarijauvattut ammalu Pijjutigijauvattut

Inuit Tapiriit Kanatami

(“ITK”)

Aaqqigiaqtausimajut Uutupiri 29, 2020-mit

Ilulingit

Mappiganga

Ilanga tititraqsimaninga 1 tukungit ammalu tukiliuriniq.....	1
1.1 Tukungit.....	1
1.2 Tukiliuriniq.....	2
Ilanga 2 namminilik Inuit Tapiriit Kanatami.....	2
2.1 Inuit Tapiriikut Kanatami nalunaikutanga.....	2
2.2 Tiliuqtaunikuit Allavvimmit.....	2
2.3 Titiqqaqutiit tuquqsimajut.....	3
2.4 Kiinaujaliriniq.....	3
2.5 Maligaqtigut atuliqtittiniq.....	3
Ilanga 3 Ilagijaujjuti.....	3
3.1 Ilagijaujjuti.....	3
3.2 KatimajiitPiiqtauningit.....	3
3.3 Ilagijaujup kiggaqtuqtinga	3
3.4 Tilisiniq kiggaqtuqtitsamik.....	3
Ilanga 4 katimjiujunut katimaqattarniq.....	4
4.1 Arragutamaaqsiutiit katimaniq.....	4
4.2 Niriungangitukkut katimaniq.....	4
4.3 Katimaviuqattarniq	4
4.4 Ikisivautaq ammalu ilagijaujut katimaniq.....	4
4.5 Katimaniq qarasaujakkut ammalu naukutuinnaq, asiagut	5
4.6 Qaujikkainiq katimanirmit.....	5
4.7 kikkutuinnait upasimallattaarialiit.....	5
4.8 Pijunnautigijamik sakkuinirmut qaujikkainiq.....	5
4.9 Katimagianirmut naammasarniq.....	6
4.10 Niruarunnaqtiarniq.....	6
4.11 Nuqarniq.....	6
4.12 Pigiaqtitijjut katimanirmit.....	6
Ilanga 5 katimajiujut.....	7
5.1 Sannginningit katimajiit.....	7
5.2 Qattiuningit katimajiit.....	7
5.3 Niruarniq katimajinik.....	7
5.4 Katimajiukainnarniq.....	8
5.5 Piiqtaujuqarniq katimajinik.....	8
5.6 Inuqanngittut.....	8
5.7 Katimajiujjusiat ammalu aulattijunnautiit.....	9

Ilanga 6	Katimatillugit katimajiit.....	9
6.1	Katimajjutiit katimajiralaat.....	9
6.2	Nami katimaqattarniq.....	9
6.3	Katimaniq qarasaujakkut asiajullu.....	9
6.4	Katimaqujiniq.....	9
6.5	Katimaniq nuqqaquq.....	10
6.6	Katimgiarnirmut naammasarniq.....	10
6.7	Niruarniq katimajiksamt.....	10
6.8	Tukitaarutiit titiraqsimallutik.....	10
6.9	Katimajjutiminiit.....	10
6.10	Kikkutuinnait upasimallattaariit.....	10
Ilanga 7	Katimajiralaat.....	11
7.1	Katimajiit Inuit Tapirissakkut.....	11
7.2	Uqaujigiatit.....	11
7.3	Qanuiliunngit.....	11
Ilanga 8	Niruaqtulirijiit.....	11
8.1	Niruarniq ammalu tikkuqsiniq.....	11
8.2	Niruarniq katimajinut angijuqqaq.....	11
8.3	Piliriassanut angijuqqaq.....	12
8.4	Angijuqqaap tungilinga.....	12
8.5	Titiraqti/Kiinaujaliriji.....	12
8.6	Tukimuaqtittijimmarik.....	12
8.7	Qanutigi katimajiuniq.....	13
8.8	Katimajiujjusiit.....	13
Ilanga 9	Kikkutuinnarnut kiingaujalirijimmarik.....	13
9.1	Kikkutuinnarnut kiinaujalirijimmarik.....	13
Ilanga 10	Sapujjauniq aulattijinut, niruaqtulirijiit, ammalu asingit.....	14
10.1	Kiggliqaqtitauput akilirialiit.....	14
10.2	Sivuningagut tungauttisimajumit akingit.....	14
10.3	Kiggliqaqtitauput.....	14
10.4	Qanuiliurniit.....	14
10.5	Killiqaqtitauungittut.....	14
10.6	Nalliukkumaat.....	15

Ilanga 11 Kisutuinnaat.....	15
11.1 Immikkut arviarutiqarniq.....	15
11.2 Kangunaqtuliriniq.....	15
11.3 Maligaq.....	15
11.4 Qaujikkainirmut maligialiit.....	15
Ilanga 12 Maligaralaat aaqqigiarutiit.....	16
12.1 Aaqqigiarutaujut.....	16

Ilanga 1 Tukiingit ammalu tukiliuriniq

1.1 Tukiingit

Maligaralaat Inuit Tapiriit Kanatami, akitujuutikkut atuqtausut kisiani ajjinganit tukiqqaquq maligaqtugut (ajjinga ataanittuq). ilaliutisimajuq:

- 1.1.1 **“Maligaq”** tukiinga kanatami kiinaujaliuqtiugasugatik katujjiqatigiit maliganga ammalu piqujalimaat titiraqsimajut ataani, aaqigiaqtautuinnaaliit uvvalunniit asijjiqtaulutit;
- 1.1.2 **“Ilanga”** tukiinga ilanga kajuiliqittaaninga Inuit Tapiriit Kanatami;
- 1.1.3 **“Katimajiit”** tukiinga katimajiuqut Inuit Tapiriit Kanatami;
- 1.1.4 **“Maligaralaaq”** tukiinga maligaralaaq aaqigiaqtauninga unalunniit titiraqtausimaninga ammalu asilimaangangit maligaralaat Inuit Tapiriit Kanatami
- 1.1.5 **“Tilisiniq Kiggaqtuqtitsamit”** tukiinga kinatuinnaq ilagijaunngituaruni ilagijaujuup kiggaqtuqtinganit niruaqtausimaguni katimajimut ilagijauniarluni ammalu katimaqatauniarluni qilagijaujunit malittugit piqujaq 3.4;
- 1.1.6 **“Aulattiji”** uvvalunniit “Aulattijiit” tukiinga kinatuinnaq uvvalunniit atausiungittuq, ippigusuttiaqtuq, taimanngat niruaqtaugajuttuq katimajinut katimajiuniarluni;
- 1.1.7 **“Aulattijimmarik”** tukiinga Inuit Tapiriit Kanatami aulattijimmaringat;
- 1.1.8 **“Katimaji”** uvvalunniit “Katimajiit” tukiinga kinatuinnaq atausiunngittut katimajiit Inuit Tapiriit Kanatami, ikpigusuttiaqtuni, malittugit, piqujait 3.1.1;
- 1.1.9 **“Katimajiuqut Kiggaqtuqtinga”** tukiinga kinatuinnaq tilijausimajut katimajimut kiggaqtuiniarluni katimajiit katimaqattatillugit katimajiit malittugit piqujait 3.3;
- 1.1.10 **“Niruaqtuliriji”** uvvalunniit **“Niruaqtulirijiit”** tukiinga kinatuinnaq uvvalunniit atausiungittunit, ikpigusuttiaqtuq, niruaqtausimaguni uvvalunniit tikkuqtausimajuq Inuit Tapiriit Kanatami malillugit maligaralaangitigut;
- 1.1.11 **“Angjuqqaq”** tukiinga angjuqqaq Inuit Tapiriit Kanatami;
- 1.1.12 **“Atainnaniaqtut ilagijaujut”** tukiinga Inuit Silarjuaalimaami Katimajingit (Kanata) katinngalutit Pauqtuutit Inuit Arnait Katujjiqatigiingit, ammalu Kanatami Inuit Inuusuttut Katimajingit;
- 1.1.13 **“Atainnaniaqtut ilagijaujut kiggaqtuqtingit** tukiinga ikpigusuttiaqtuq angjuqaat atainnaniaqtunik ilagijaujunit;
- 1.1.14 **“Malittaujarialiit”** tukiinga malittaujarialiit ammalu gavamanut malittaujarialiit aaqqitaullutit malitugit piqujait 11.3;
- 1.1.15 **“Titiraqti/Kiinaujaliriji”** tukiinga titiraqti/kiinaujaliriji Inuit Tapiriit Kanatami;
- 1.1.16 **“Niriunanngittukkat angiqatigiigutaujuq”** tukiinga angiqatigiigutaujuq amisuuningitigut ataanigiaqaratit (2/3) niruarnautillugu tukitaarutinit; ammalu
- 1.1.17 **“Angjuqqaap Tungilinga”** tukiinga angjuqqaap tungilinga Inuit Tapiriit Kanatami.

1.2 Tukiliuriniq

- 1.2.1 Inuktitut ammalu qallunaatitungajut maligalaralaat ajjigiinguvuk, ammalu nalunaqtuqaqqata uvvalunniit tikisinaluanngippata Inuktituungajunik, qallunaatituungajunik qaujikkaijunnaqqutit tukilurijimut, ammalu nalliakkutuinnaq.
- 1.2.2 Maligaralaaqtigut, uqausiit aaqqittirivallialluni atausiq ilaliutillugu ammalu nalliagutuinnaq ammalu uqasiit aaqqitiqpalliallugit arnaummangaq angutaummangaallunniit ilaliutillugit ammalu niqiit.
- 1.2.3 Uqausiit “Ilaliutillugit” uvvalunniit “Ilaliujjiluni” maligaralaaqtigut tukung ilaliutillugu uvvalunniit ilaliujjiluni killiqanngittuq.
- 1.2.4 Uqausiq “Inuk” ilaliutisimajuq kinatuinnaq, timiujut, katujjiqatigiit, ukpirusunniq ammalu timinguqtausimanngittuq katujjiqatigiit.
- 1.2.5 Agguqsimaningigut maligaralaat ammalu ilanga angirutiusimajumut ammalu piqujait ammalu nalunaiqsuqsimajut pigiangarninganit atuinnaujut nalunaikkutituinnait ammalu akaunnngiliurutiqarajarani uvvalunniit tukiliuqsimajunit maligaralaanik.

Ilanga 2 Inuit Tapiriit Kanatami piliriassangit

2.1 Inuit Tapiriikkut Kanatami nalunaikkutanga

Inuit Tapiriikkut Kanatami nalunaikkutaqarunnaqqut angirutausimattiaqtumit taimanngat katimajinut. Taanna nalunaikkutanga angirutausimaguni katimajinut, titiraqti/kiinaujaliriji Inuit Tapiriit Kanatami tugumiaqtiuniaruni pillarigialik nalunaikkutarmik.

2.2 Atiliuqtaunikuit allavimmit

Kisianili asijjiqtauniarniruni piqujait malillugit, atiliuqtaunikuit allavimmit Inuit Tapiriit Kanatami pillarigiaqqaqut Aatuvaa nunalipaujanganik, nuna killiliuqsiamajuk Aantiuriumit.

2.3 Titiqqaqutiit ammalu Tuqquqsimajut

Katimajiit pillarigiaqaqqut tuqquqtauttiaqattarninginnit titiqqaqutiit Inuit Tapiriikkut Kanatami maligiaqallaripput maligaralaanit uvvalunniit piqujait uvvalunniit maligarnit tuqqaujariaqaliraigutit ammalu papattautiarlutit.

2.4 Kiinaujaliriniq arraagumi

Kisianili asiagut katimajiit tilisinnirutit kiinaujalirinirmit arraaguup nunguanit Inuit Tapiriit Kanatami pillarigiaqaqqut massi 31 arraagutamaaqsiutinginnit.

2.5 Maligaqtigut atuliqtittiniq

Angiqatigiigut paikpaaqtigut uvvalunniit asingit titiqqait maligaqtigut ilisarijausimajut atiliuqtaujarialiit Inuit Tapiriikkut Kanatami, pillarigiaqaqqut atiliuqsimajunit atiliuqatiqarluni kamajimik iqqanaijaqtituqarmit, ammalu angiqatigiigututilimaanit, paikpaanik ammalu asingit titiqqait titiraqsiamajut atiliuqsimallarigiaqaqqut angiqatigiigutikkut Inuit Tapiriikkut Kanatami isumaalugiaqaratit uvvalunniit pimmarialuk. Katimajiit pillarigiaqaqqut sannginiqarlutit taimanngat taimanngat tukitaarutinik tikkuqaqsilutit kinatuinnarmit pillarigiaqaqquq tilijausimaguni Inuit Tapiriikkut Kanatami atiliuqattaniaqtanginnit angiqatigiigutikkut, paikpaakkut ammalu asingit titiqqait.

Ilanga 3 Ilagijaujjuti

3.1 Ilagijaujjuti

- 3.1.1 Pimmarigiaqaqquq (1) Ilagijauniaqtumit Inuit Tapiriikkut Kanatami, ilagijaugajaqtut: (a) Inuvialuit aviktuqsiamjuni katujjiqatigiit; (b) Makivik katujjiqatigiit; (c) Nunatsiavut gavamangat ammalu (d) Nunavut Tunngavikkut Timingat. Qaujimautilittianiarngata, ilagijaujut pillarigiaqaqqut ajjigiillutit nalunaiqsisimaniq kinauningani ammalu pijunnautinit.
- 3.1.2 Ilagijaujut pillarigiaqaqqut akiliititauniangillutit ammalu akilissaqaqtitauniangilat Inuit Tapiriikkut Kanatami ilagijaujut ikpigittiarlugit, kisianili asiagut tilijauguni katimajinut.

3.2 Katimajiit piiqtauningit

Inuit Tapiriikkut Kanatami ilagijaujuq, ammalu pijjauningit atajut tamatumunga, nuqqaqtitaugajaqtuq imainniruni:

3.2.1 Ilagijaujuq nuqqarniruni titiqqamit tunisijaqturluni qaujikkaijjutimit titiraqtimut/kiinaujalirijimut; uvvalunniit

3.2.2 Nuqqatittiniq ilagijaujumit.

3.3 Ilagijaujuup kiggaqtuqtinga

Atuni ilagijaujut pillarigiaqaqqut, taimannat taimannat, tilisiniaqquq ilagijaujuup kiggaqtuqtinga kiggaqtuiniaqquq ammalu piliriluni sannginiqarluni katimajjutiqaqtutit ilagijaujunik, atuni ilagijaujuq pillarigiaqqaquq uqaqtautigigialik Inuit Tapiriikkut Kanatami titiqqakkut asijjiiniatuaruni kinauninganit ilagijaujuup kiggaqtuqtinganit.

3.4 Tilisiniq kiggaqtuqtissamik

3.4.1 Katimaniqalauqtinnagit arraagutamaaqtuqsiutinit ilagijaujut, ilagijaujut niruarrunnaqqut tilisiniq kiggaqtuqtissamik piqujivungaaqsimajunit katimajinut, aaqqittausimajuq naasautinga marruuk ataanigunnangittuq (2), upanniarluni ammalu piqatauniarluni katimajunit mallilugit maligaralaangit. Qaujimautilittianingata, ilagijaujut pillarigiaqaqqut niruaqsilutit ajjigiillutit naasautingit tilisiniq kiggaqtuqtitsanit.

3.4.2 Tilisiniq kiggaqtuqtitsanit (uvvalunniit inangiqsimajut tilisiniq kiggaqtuqtitsanit ilagijaujunnaninngikkuni upagunnannngikkuniluunniit) pillarigiaqaqqut niruaqtauluni ilagijaujumut malillugit maligaralaangit, malittaugialinnit, atuaganginnit uvvalunniit pilirijjusingit ilagijaujut.

Ilanga 4 Katimajiujunut katimaqattarniq

4.1 Arraagutamaaqsiut katimaniq

Una malittugu piqujaq, ilaginaujunut arraagutamaaqtuqsiut katimaniugajaqtuq ullurigajaqtanga ammalu qangaugajarmangaaq aaqqittuasimaguni katimajinut, kisiani akaunaangikkuni, kajusigajanngittutu: (a) ungataanurningikkuni quliillu tallimallu (15) taqqinit katimajjutaularauqtunik kingulliqaangannit katimaniqaqtillugit arraagutamaaqtuqsiutinit; ammalu (b) pingasuujutut kinguniagut (6) taqqinik kingulliqaqsiutinit katimaniqaqtillugit Inuit Tapiriikkut Kanatami kiinaujalirinirmut. Arraagutamaaqtuqsiutinit katimaniqalituaraigutit ilagijaujunit, ilaliujjiluni asianit uqausiqaqtuqakkanirniruni, ilagijaujut pillarigialik:

- 4.1.1 Niruaqsilutit aulattijinik malillutit titiraqsimajunit ilangat 5.3;
- 4.1.2 Angijuqqaapunikkaangit qimirrujaugajaqtut ammalu isumaksaqsirutaulutit angirutauniarlutit;
- 4.1.3 Kikkutuinnarnut kiinaujaliriji tunisinniruni kiinaujanut nalunaiqsijjutiit ammalu unikkaat arraagulaqtumit kiinaujalirinirmut;
- 4.1.4 Kikkutuinnarnut kiinaujaliriji tikkuqaqtauniq;
- 4.1.5 Katimajiuqattaqsimajut katimajjutiminirnit qimirrujaugiaqqaqqut ammalu isumaksaqsirutaulutit angirutauniaqtillugit; ammalu
- 4.1.6 Uqarlutit asiagut nilliqtuqarumanniruni pijumaguni tamauna saqqiqtuagajaqquq ilagijaujunut.

4.2 Niriunanngitukkut katimaniq

Katimajiit pijunnautiaqqut qangatuinnakkut katimanirmik niriunanngitukkut ilaigaujunut. Ilaliutilugu, katimajiit pillarigialiit katimaniqarlutit titiraqsimajuq piqujivungaaruti ilagijaujunut pijjutiaqtuni titiqsimajut piqujivungaarutimit katimajiit qaujikkailaurningikkutit katimanirmut ullunit avatiit-atausirlu (21) pilaurningikkuni piqujivungaarutimit, kinatuinnaq ilagijaujuq atiliuqsimajuq piqujivungaarutimit pigumaguni katimanirmut.

4.3 Katimaviuqattarniq

Katimaniq arraagutamaaqsiutinit uvvalunniit niriunanngitukkut katimaniq ilagijaujunut pillarigiaqqaqqut Inuit Tapiriikkut Kanatami titirarvingata allagvingat

uvvalunniit namituinnaq kanatami pijumagutit ammalu ullunga qanguagajaqquq katimajiit pillarigialiit tikkuaqsiniarutit. Kanataup silataanit katimajunnarillutit ilagijaujut angiqatigiinnirutit ilagijaujulimaat.

4.4 Iksivautaq ammalu Ilagijaujut Katimaniq

Angijuqqaarijaujuq uvvalunniit, angijuqqaarijaujuq upassimatinnagu, tungilia angijuqqaq, pillarigialik iksivautauluni naukkutuinnaq katimanirmit ilagijaujunut. Nalliatiunnaq qaijunnaninngippat, ilagijaujut kiggaqtuqtinga katimajuniittuq niruarunnarajaqtuq kinatuinnarmit iksivautaukainnarajaqtumit.

4.5 Katimaniq qarasaujakkut ammalu naukkutuinnaq, asingillu.

Kinatuinnaq qaillattaarialik katimajunut ilagijaujuq pijumaguni katimaqataujariaqqaquq, malillugit piqujait, uqaalautikkut, qarasaujakkut uvvalunniit asingit tusaumaqattautilirijikkut atuinnautittisuut ilagijaujulimaanut tusaumaqattautigajuttutit katimajuniitillugit, Inuit Tapiriikkut Kanatami atuinnautittiniarutit tusaumaqattautigivigajaqtanganit. Kinatuinnaq upattuq katimajunut qaisimallarigialik piqujaqtigut pijjutiqaqtunit katimanirmit.

4.6 Qaujikkainiq katimanirmit

4.6.1 Qaujikkaijjuti siqinngujanga ammalu nami katimaniq ilagijaujunut pillarigialiit tunijaulutit ilagijaujulimaanut, nuqqarnialiqtillugit pilirijaujunut titiraqtausimajunit ullunga aaqqittausingmannippat uvvalunniit titiraqtausimannigikkuni ullunga qaujikkaijjuti aaqqittausingmannigikkuni, katimanirmit ullunganit tunijaunniruni, tunijaujariaqqaquq, ukua malillugit:

4.6.1.1 Titiaqqakkut, tuniuqqaijjikkut namminiq tuniuqainiq ilagijaujunut, akunnianit avatiit-atausirlu (21) tikiugunnaqtuq (60) ullu katimannaulaunnginninganit; uvvalunniit

4.6.1.2 Uqaalautikkut, qarasaujakkut uvvalunniit asiagut tusaumaqattautinikkut ilagijaujunut, akunnianit avatiit-atausirlu (21) tikiugunnaqtuq taqqiuluagalaak (35) ullu katimannaulaunnginninganit nami katimaniugajarningat.

4.6.2 Qaujikkaijjuti niriunanngittumit pillarigiaqaqqut titiraqsimattiaqtumit katimanirmit nalunaijaqsimattiarlugu ilagijaujut pijunnautiqarluni kisumit pijjutinganit katimaniup ammalu unikkaaqsimattiarluni niriunanngitukkut angiqatigiigutimik tunijaulutit katimanirmit. Una ilanga 4.6.2, niriunanngitukkut katimanirmit pijariiqsimajuinnaujariaqaqqut uvvalunniit arraagutamaaqsutinit ilagijaujunut, kisanili isumaliurutigijariaqaqqut titiraqtausimajut kiinaujalirinirmut, kikkutuinnarnut kiinaujaliriji unikkaanga, aulattijiit niruaqtulirinirmut ammalu tikkuqaqsikkanniriaqarniq kikkutuinnarnut kiinaujaliriji, “niriunanngittukkut katimaniq”.

4.6.3 Qaujikkaijjuti arragitamaaqtuqsiutilimaanut katimanirmit pillarigiaqaqqut ilaliujjilutit unikkaanit qaujikkailutit ilagijaujunut qanuq ajjiqatigininginnut unikkaat kiinaujalirinirmit, unikkaat kikkutuinnarnut kiinaujaliriniq, ammalu asingit titiraqsimajuit piqujaqtigut, atuinnaujut Inuit Tapiriikkut Kanatami titirarvingannit ammalu ilagijaujulimaat pijumaguni, tuksiraarisimajangagut, naliqqanganit pisimaluni kiinaujalirinirmut unikkaat ammalu asingit titiqqait akiqanngittut allavimmit nalunaiqtausimajut uvvalunniit titiqqaq akiliriiqsimajukkut.

4.7 Kikkutuinnait upassimallattaarialiit

Kikkutuinnait upassimallattaarialiit katimanirmit ilagijaujunut kiggaqtuiji, tilisiniq kiggaqtuqtissamit aulattijiit, ilagijaunginnaqtuq kiggaqtuiji, kamajiit, kikkutuinnarnut kiinaujalirijingat Inuit Tapiriikkut Kanatami ammalu kikkutuinnait pijumaguni qaiqqujausimaguni iksivautarmut katimaniq uvvalunniit angiqtausimaguni ilagijaujunut.

4.8 Pijunnautigijamik sakkuinirmut qaujikkaniq

Ilagijaujunut katimaniq pijumaguni qangatuinnattiaq ammalu namiinniga qaujikkailaunngillutit ilagijaujut pijunnautimit sakkuiniq uvvalunniit asiagut angiqatigiillutit katimaniugajaqtumit. Ilagijaujunut kiggaqtuqti upanniruni katimanirmit pijunnautigijamik sakkuinirmut qaujikkainiq katimatillugit, kisanit ilagijaujunut kiggaqtuiji upassimaguni katimanirmit uqaujjuigumaguni naammasanngikkuni pigiaqujigani asianit piliriassait qaujikkaijuqarningikkuni katimajjutinik.

4.9 Katimagiarnirmut naammasarniq

Ilagijaujut pingasut ataanigiaqanngilat katimaniq pigiaqtitauniarluni.

4.10 Niruarunnaqtiarniq

4.10.1 Ilagijaujulimaat, kiggaqtuijinganut, niruarunnaqqut atausiarlutit katimanirmut

4.10.2 Kisiani angijuqqaasq niruaqtaunasualiqqat pillarigialik malillugit ilanga 8.2 uvvalunniit taimaigiaqaruni asiagut malillutit titiraqsimajunik maligaralaanittunik uvvalunniit piqujaq, katimaniujulimaanit ilagijaujunut, apiqqutilimaat amisuuningigut niruarniq ilagijaujunit kiggaqtuqtingata ilagijaujuit.

4.10.3 Kisianili niruarutissaq pijaujumajut, ilaakkut niruarniq ilagijaujuq upassimaguni katimnirmut ilagijaujut uqaalautikkut, qarasaujakkut, uvvalunniit asingit tusaumaqattautiliriniq aaqqittausimajuq Inuit Tapiriikkut Kanatami pillarigialik titiraqsimajunit katimajjutiminrniit Inuit Tapiriikkut Kanatami. Niruarutissaq pijaujumajut, ilaakkut niruarniq ilagijaujut upassimaguni katimanirmut ilagijaujut pillarigialik katillugit pijunnautiit (a) sulillattaarmangaata , ammalu (b) naasaqtausimajut tammaqsimajut niruarniq unikkausiit Inuit Tapiriikkut Kanatami kanngunaqtuulluni Inuit Tapiriikkut Kanatami ilagijaujut niruarninginnit nalunaqsimanngittut kikkunirmut.

4.11 Nuqqarniq

Qanutuinnaq katimaniq ilagijaujunit pijumaguni nuqqarniq naukkutuinnaq ammalu piliriarijaujut pijumaguni nuqqarnirmut katimaniq katimanirilauqtanginnit namiulaurmangaq nuqqarnirilauqtangat. Nuqqarniq katimaniq:

4.11.1 31-nit ataani (31) ullunit, qaujikkaijjutimit pigiatunngilaq nuqqarniq katimanirmut, tusaqtittisaraikkuni asiagut katimanirmut nuqqarniq; uvvalunniit

4.11.2 atausirmut uvvalunniit nuqqarniq katillugit amisuuningit ulluit (30-nit), qaujikkaijjutimit nuqqanirmut tunijaugajaqtuq katimanituinnarmut.

Nuqqarniq imaignunnaqquq taimaikkaluaqtillugu atuutiqaajjaanngilaq katimajiit naammaksiningit.

4.12 Pigiaqtitijut katimanirmit

Ukua malittugit piqujat, pigiaqtitijut titiraqtausimajarialiit atiliuqtausimalutit ilagijaujulimaanut niruarniarlutit pigiaqtitijut katimanirmit ilagijaujunut kajusititaummangaaq katimaniq ilagijaujunut. Pigiaqtitijutiit imaignunnaqquq atiliuqsimalutit piliriqatingit, sivulliqaallattaangulutit ammalu atauttikku atausittainnarmik piqujivungaarutimik aaqqissijuqarniaqquq. Ilagijaujuq nassaujjijunnaqquq atiliuqsimajaminik sukkajuukku, ikiarvivukku, uvaalunniit asiagut qarasaujakku.

Ilanga 5 katimajiujut

5.1 Sannginingit katimajiit

5.1.1 Katimajiit pillarigialiit aullatitlutit uvvalunniit qaujisarlutit qutiniqsakku Inuit Tapiriikkut Kanatami aulanirivattangit naukkutuinnaq. Katimajiit pigumagutit piqujivungaarummit uvvalunniit pijjutaujut sanajauniaruni Inuit Tapiriikkut Kanatami, atinga, qanuittutuinnait angiqatigiigutiit Inuit Tapiriikkut Kanatami pigumagutit qaujigiarunnaqqut ammalu pigumagutit sannginingigut ammalu piqujait asingit ammalu kisutuinnait Inuit Tapiriikkut Kanatami pijunnaqtitaujuq ammalu pijunнарillutit.

5.1.2 Kigliqaqtingillugit tamainnuungajut, katimajiit pijunnaqtausimanngituinnarialiit katimajinut:

5.1.2.1 Atuqtuarniq kiinaujamit Inuit Tapiriikkut Kanatami amiakkunut;

5.1.2.2 Tunisilutik niurrutiqaarnirmik suliniarnirarutimik uvvalunniit kangigijaujunik akilissanut piliriaksanik Inuit Tapiriikkut Kanatami;

5.1.2.3 Suliniarnirarutimik tunisilutit kiggaqturlugu Inuit Tapiriikkut Kanatami sapummilugu pilirinirijaujuq pijariaqaqtumut kinatuinnarmut inungmut; ammalu

- 5.1.2.4 Igluqutitaarasungnirmut, akilissanga, kangiiigijaujuq, suliniarnirutit uvvalunniit saqqittiklpat attarnaqtumiitittailinirmut qitunngiurutinik tamainnik uvvalunniit qanutuinnaq namminirijaujunik Inuit Tapiriikkut Kanatami, nangminirijaujuq kinguniagulluunniit pijaunikuuluni, pijaujjairlugu turaagaksanga Inuit Tapiriikkut Kanatami.

Katimajiit imaittunnaqput, piqujivungaarutikkut, tilisilutik sannginirmik uqausiujumik tavvani titiraqsimaninganit tukimuaqtittijimut, katimajiralaanut titiraqtimulluunniit.

5.2 Qattiuningit katimajiit

Katimajiit tisamanit katimajiqarialiit aulattijingit.

5.3 Niruarniq aulattijinik

- 5.3.1 Aulattijiit pillarigiaqaqqut niruaqtausimalutit ilagijaujunik katimaniqaqtillugit arraagutamaaqsuutinik katimaniqaqtillugit malillugit nalunaiqsisimajut ilanga 5.3.2 niruarnautillugu uvvalunniit gavamatuqakkunnit, nuna kigliliuqsimajuq, uvvalunniit nunattiarmi. Marruunik aulattijiinnik (2) katimajinik pijariaqanngilaq titiraqtimik uvvalunniit iqqanaijaqtiujariaqanngilaq Inuit Tapiriikkut Kanatami.

- 5.3.2 Arraagutamaaqtuqsuutinit katimaniqaqtillugit ilagijaujuq niruarassalianguguni pillarigiaqaqquq atingit saqqiqtaulutit Inuit Tapiriikkut Kanatami ilagijaujut niruarniqaqtillugit qimirrulutit katimajiit ilaliujjiinnarialiit:

- 5.3.2.1 Atausiq (1) katimajiunirmut niruarassaruqtitaq Inuvialuit Aviktuqsimajuni Katujjiqatigiit;
- 5.3.2.2 Atausiq (1) katimajiunirmut niruarassaruqtitaq Makivik Katujjiqatigiit;
- 5.3.2.3 Atausiq (1) katimajiunirmut niruarassaruqtitaq Nunatsiavut Gavamangat; ammalu

5.3.2.4 Atausiq (1) katimajiunirmut niruarassaruqtitaq Nunavut Tunngavikkut Timingat.

5.3.2.5 Nalunanngittiaqullugu, niruarassaliuqtuqajjaanngittuq nalianituinnaq katimajinik katimajunit.

5.4 Aulattijiukainnarniq

Katimajiujug niruaqtausimajuq katimajiukainnarluni pillarigiaqaqquq kajusittiarluni nirualattaalaunnginninginnit, malittugit, piqujaq, atakainnarninga tisamat arraaguit anigulaunngininganit niruarnautillugu ullunga. Ilanga maligaralaat, aulattijiujut niruarassaukannirunnrajaqtuq aulattiunirmit.

5.5 Piqtaunninga katimajiujut

Katimajiit titiraqvinganit pillarigiaqaqquq iniqaruniirluni:

5.5.1.1 Katimajiit 18 ataniikkutit (18) arraagungit;

5.5.1.2 Katimaji ajurniraqtauguni iqqaqtuivilirijikkuni kanatami uvvalunniit kanataup silataanit;

5.5.1.3 Katimaji akilissaqaruni kiinaujakkuvimmit; uvvalunniit

5.5.1.4 Inuujunniirniruni katimaji.

5.5.2 Titirarvimmit katimaji pillarigiaqaqquq piiqtauluni titiqakkut katimajiunirmik, atuligtitautigiluni ullunganit titiraqtaunikuit nuqqanirmik aullaqtitauluni Inuit Tapiriikkut Kanatami uvvalunniit nalunaiqsisimaluni nuqqanirmit, nalliagutuinnaq kinguniagullunniit.

5.6 Inuqanngittut

5.6.1 Katimagiarnirmut naammasarniq pillarigiaqaqqut niruqsilutit inuqanngittumit katimajimut ilagijaujuq niraqsinniruni katimajiunirmit inuqarunniiqsimajumut angutauguni uvvalunniit

arnauguni titiraqvimmit. Naammasarniq katimagiarnirmut imaigunnaqquq inangiqtausimanngilluni pijjutingit ukua:

5.6.1.1 Niruaqsininngikkutit naasautingitigut uvvalunniit mikiniqsanit naasautiqaruni katimajinit titiraqsimajunit ilanga; uvvalunniit

5.6.1.2 Qugvariarluni naasautinga uvvalunniit mikiniqpaanganit uvvalunniit amisuuniqpaanganut naasautiit katimajinut titiraqsimajut ilangat.

5.6.2 Pijjutiquaqtuq piqujait, katimanirmut naammangikkutit, uvvalunniit inuqarunniikaallanniruni uqausiuqqaujunit malillugu ilanga 5.6.1, katimaji niriunanngitukkut katimaniqariaqarajaqqut inangiqtauluni ammalu, pijumaguni katimaniq qujanaaqtaunniruni uvvalunniit katimajiqanngikkutit titiraqvimmit, ilagijaujuq pijumaguni katimaniqqujijunnaqquq.

5.6.3 Katimaji tikkuaqtausimajut ilanga ataani 5.6.1 katimajiugajaqtuup qanutigi tiljausimaniriniaqtanga.

5.7 Katimajiujjusiat ammalu aulattijunnautiit

Katimaji katimajiujjusiarunnangittuq pilininganut ammalu aulattijiunirmut naukkutuinnag kiinaujaqtajjaannagittuq katimajiuninganut. Aulattiji atirviujunnangilaq aullarutitut uvvalunniit aulattijunnautitut katimajit katimaqattanirmut uvvalunniit katimajiralaat.

Ilanga 6 katimatillugit aulattijiit

6.1 Katmatillugit aulattijiit

Pijjutiquaqtut maligaralaat, piqujait ammalu katimajiit pigiaqtitijjutinga, qaujikkaijjutimit siqinnguq ammalu namiuninginnit katimaqattarniq katimajinut tunijaulutit ilanga 11.4 katimalauqtinnagit aulattijiit quliit ulluit ataanuriaqanngilat katimaniugajaqtumit nalunaiqsilutit. Qaujikkaigiatunngittut katimanirmut, katimjilimaat upassimajuinnaugutit uvvalunniit apassimanngikkutit pijunnautigijamik sakkuiniq katimanirmut, kisiani katimaji upassimaguni katimanirmut uqaujjujumalluni naamasarningikkuni qaujikkaittialauratit katimanirmut kisiani piqujaqtiguriaqarajaqquq.

6.2 Nami katimaqattarniq

Kisianili ilanga piqujivungaaqsimaningit, katimanirmit katimajinut imaigiaqaquq titiraqtausimajumit titirarvik Inuit Tapiriikkut Kanatami uvvalunniit namituinnaq kanatami, angijuqqaq nalunaiqsininga tusarasunniq katimajinit.

6.3 Katimaniq qarasaujakkut asiagullu.

Inuit Tapiriikkut Kanatami aulattijilimaat angiqatigiinnirutit, katimaniq katimajinut uvvalunniit katimajiralaangitigut katimajiit pigumaguni uqaalautikkut, qarasaujakkut, uvvalunniit asiagut tusaumaqattautilirijikkut pititijunnaquq kikkutuinnarnut ilaujunut katimanirmit tusaumaqatigiittiarlutit, ammalu katimaji katimaqatauluni katimanirmit.

6.4 Katimaqujiniq

Katimajiit katimanirmut pijumagutit atausiarlutit (1) uvvalunniit amisuaqtirlutit arraagutamaaqtuqsiutinit, angijuqqaarijaujuq katimaqujiniqarunnaquq katimajinut. Angijuqqaq nalunaiqsininga tusarasunniq katimajinit. Angijuqaap tungilia, uvvalunniit marruuk (2) aulattijiik katimatittijunnaquq pijumaguni qangatuinnaq.

6.5 Katimaniq nuqqaquq

Qaujikkaijjuti katimaniq nuqqaquq katimajinut qaujikkaigiatunngittuq titiraqsimanniruni siqinnguqaq ammalu katimaniq nuqqarninga tusaumatitaulauqtutit sivullirmit katimanirmit.

6.6 Katimagiarnirmut naammasarniq

Amisuuningigut naasautingitta, kisiani pingasut (3), ataanigiaqanngilat aulattijiit Inuit Tapiriikkut Kanatami titirarvinga katimaniqaqtillugit naammasarniq qangakkutuinnaq katimatillugit katimajiit.

6.7 Niruarniq aulattijiksamit

Nalliagutuinnaq katimaji pijunnautiqaquq niruarunnaquq atausiarluni katimaqattatillugit katimajiit. Kisianili maligiaqarutit piqujaqtigut, katimajiit katimanilimaanginnit, apiqqutilimaat isumaksaqsiurutaulutit amisuuningigut

niruarunnaqtut apiqqutaujumit. Taimaigiaqarniruni arnait angutillu niruarnikkut, iksivautarijaq katimanirmit aippiijunnangilaq uvvalunniit niruarunnangilaq.

6.8 Tukitaarutiit titiraqsimallutik

Tukitaarutiit titiraqsimallutik, katimajinut atiliuqtausimajut nirurunnaqtutik tukitaarutiniq katimaniq katimajinut uvvalunniit katimajiralaangitigut katimajiit, sulijuq surlu kajusiningit katimaniq katimajinut uvvalunniit katimajiralaangit katimajinut. Tukitaarutiliangusimajuq pijumaguni atiliuqtaujunnaqquq piliriqatinginnut sukkajuukkut, qarasaujakkut uvvalunniit asiagut qarasaujakkut.

6.9 Katimajjutiminiit

Katimajiit pillarigialiit takuqattarlutit katimajjutiminilimaanit Inuit Tapiriikkut Kanatami naammasigaippat ammalu pisimajauttiarmangaata.

6.10 Kikkutuinnait upasimallattaarialiit

Kikkutuinnait upassimallattaarialiit katimanirmit ilagijaujunut kiggaqtuiji, tilisiniq kiggaqtuqtissamit katimajiit, ilagijaunginnaqtuq kiggaqtuiji, angijuqqaaq, ammalu angijuqqaaq tungilinga ammalu kinatuinaq qaiqujausimajuq issivautarmut katimanirmut uvvalunniit angiqtausimajuq katimajiinut. Qaujimautilittianiarngata, ilagijaunginnaqtuq kiggaqtuijiit, angijuqqaaq ammalu angijuqqaaq tungilinga pijumagutik, katimajjutissaliurunnaqquuq ammalu ilaulutik katimanirmit, kisiani pillarigialiit niruarunnangillutik katimajuqaqtillugu.

Ilanga 7 Katimajiralaat

7.1 Katimajiralaat

Katimajiit pijunnaqtuq saqqilutit, tukitaarutikkut, katimajiralaat tamakkununga malittaujarialinnut ammalu malittaujariaqaqtunut katimajinut naammagisugijanginnut, taikkua katimajiujut allavviqarniaqtut isumarsurlutik katimajinut uvvalunniit isumaliurutaulutik katimajinut.

7.2 Uqaujjigiaqtiit

Katimajiit tikkuqaqsiyunnaqtut uqaujjigiaqtimit timiujulluunniit. Ilagijaujut nalliannituinnaq uqaujjuijiik tikkuqaqtausimajunik katimajinit namminiq katimavijjuarniaqattarajanngilat qanutuinnaq pijunnautigijaujunik pijariassaq

qaujikkaijjutunik ilagijauvanngillutilluunniit Inuit Tapiriikkut Kanatami aulattijiit uvvalunniit ilagijaujut.

7.3 Qanuiliunningit

Katimajinut nalunaiqtaulauqtinnagit atuni katimajiralaat ammalu uqaujjigiaqtiit pijunnarniqarniaqput aaqqissijunnarlutit naammassiningit amisuuningit qattiinnaungillutit, ammalu aulattivallutit pilirijusinginnit

8.1 Niruarniq ammalu Tikkuqaqsiniaq

Inuit Tapiriikkut Kanatami niruaqtulirijiit pillarigialiit angijuqqaq, angijuqqaap tungilinga, titiraqti/kiinnaujaliriji, aulattijimmariik, ammalu nuruaqtulirijiit

8.2 Niruaqniq Katimajinut Angijuqqaq

Malillugit maliganginnit atuliqtunik ilaani augungaq:

8.2.1 Katimajinut angijuqqaq pillarigiaqquq arraagutamaaqtuqsiutunik katimanirmit ilagijaujunut katimajunirmit arraagunit tisamunut amisuuningit niruaqtauguni angijuqqaq tungilinganut, ilagijaujunut kiggaqtuqtinganut, ammalu tilisiniq kiggaqtuqtissamit, niruaqtuinnaujunnaqtutit atausiarlutit una pijjutigillugu:

8.2.2 Kinatuinnaq inuk pigumaguni niruarassaujunnaqquq angijuqqaarmut aulattilluni nuruarassaliangujumaguni aulattijimmarimmut avatiit ulluit anigulauqtinnagit katimanirmit ilagijaujunut niruaqtuqarniarngat angijuqqaqsauniaqtumit. Atiliuqtausimallarigialik niruarassaujjuti avatiugialiit inuit sapujjijut taassuminga nuruarassamik; ammalu

8.2.3 Ilagijaujut imaigunnaqquq niruarassaliurluni, qaujikkailuni titiraqsimajunit aulattijimmariimmut, kinatuinnaq inuk angijuqqaangunirmut avatiit ulluit anigulauqtinnagit katimanirmit ilagijaujunut niruaqtuqarniarngat angijuqqaqsauniaqtumit.

8.3 Piliriassanut Angijuqqaq

Angijuqqaq pillarigiaqquq aulattijimmariuluni Inuit Tapiriikkut Kanatami. Angijuqqaarijaujuq upassimainnarialik katimajunit ilagijaujunut, katimaniqaqtillugit katimajiit, ammalu qanuittutuiinnarnik katimaniqaqtillugit

niruaqtulirijiit. Angijuqqaarijaujuq pillarigiaqaquq isumassaqsuurutaujunik ammalu saputilugit katimajiit, ammalu qaujisarlugit aulattijiit ammalu aulattijimmaringinnit ammalu aulanirivattangit Inuit Tapiriikkut Kanatami. Angijuqqaq pillarigiaqaquq pijassaqarniatillugu aativaamiutaugialik, kisanili uqautijauguni uvvalunniit angiqtausimaguni katimajinut.

8.4 Angijuqqaq Tungilinga

Angijuqqaq tungilinga pillarigiaqaquq angijuqqaarijauluni Inuit Silarjualimaamit Katimajirjuangit (Kanatami) ammalu pillarigiaqaquq angijuqqaqqaq tungilinga titirarvimmiilluni tikkuqaqtausimaninganut tikkuqaqsilauqtinnagit angijuqqaassanganit Inuit Silarjualimaamit Katimajirjuangit (Kanatami). Angijuqqaq tungilinga pillarigiaqaquq upanningippat uvvalunniit upagunnaningngippat angijuqqaarijaujuq piliriassanginnit kamagijaqarluni. Atulirluni sannginingagut angijuqqaarijaujuq. Angijuqqaq tungilinga pillarigiaqaquq sapujjiluni angijuqqaarijaujumit ammalu pillarigialik asinginnit pijassanginnit katimajinut pijumagutit uqaujigiarunnaqtutik. Angijuqqaq tungilinga Inuit Silarjualimaamit Katimajirjuangit tuttarvigijaulluni (Kanatami).

8.5 Titiraqti/Kiinaujaliriji

Titiraqti/Kiinaujaliriji pillarigialik tikkuqaqtauluni uvvalunniit tikkuqaqtauliqqilluni katimajinut aulattijimmarinnik suvulliqaamit katimanirmit arraagulimaaqtuqsiutunik katimanirmik ilagijaujunut. Titiraqti/Kiinaujaliriji pillarigialik allavimmiikkajaqtuq arraagumit atausirmit uvvalunniit tikkuqaqtaujuq, nalliagutuinnaq kingulliugajaqtuq. Titiraqti/Kiinaujaliriji pillarigialik piliriqatigarluni angijuqqaamik ammalu angijuqqaq tungilinganit, kisulimaanit pijassaqaquq kiinaujalirinirmuungajunit ammalu titirarvinga Inuit Tapiriikkut Kanatami. Ilaliutillugu, titiraqti/kiinaujaliriji pillarigialik qimirruluni:

- 8.5.1 Kiinaujakkuvimmuuqsiniq ammalu tuqquqtausimattiarlutit timiujukkut kiinaujaqutingit ammalu nalliukkumaaruluujait ammalu akitujuutiit;
- 8.5.2 Naamattunik tuniuqqainiq kiinaujanik malillugu kiinaujait atuqtussat ammalu ajjipalungit parnautausimajut kiinaujaliriniq ammalu piqujauningit katimajinut;
- 8.5.3 Aulatauningit naammattumik kiinaujalirinirmuungajut ammalu titiraqtausiamajut; ammalu

8.5.4 Titiraqtausimajut katimajjutiminiit ammalu niruarniq ilagijaujunut, katimajiit katimaniqaqtillugit, ammalu asingit katimaniq, pijariaqarutit.

8.6 Aulattijimmarik

Ilaliutijuq asingit piliriassait katimajinut tilijaugunnarilluni, aulattijimmarik pillarigiaqaqquq pijassaminit iqqanaijarviup ullunginnit ammalu aulattinirmit iqqangajarvinganit Inuit Tapiriikkut Kanatami. Aulattijimmarik piliriassaqaqquq angiqatigiigutimut iqqanaijaamut uvvalunniit angiqatigiigutikkuq pijittirarniq.

8.7 Qanutigi Katimajiuniq

8.7.1 Niruaqtulirijilimaat kajusillarigiaqaqqut allavimmit kisiani:

8.7.1.1 Inangiqtuaguni niruaqtaujumut;

8.7.1.2 Nunaqaruni pajulluni titiqqarmut nuqqarutimik titiraqti/kiinaujalirijimut uvvalunniit aulattijimmarimmut

8.7.1.3 Atangiqtutit atuliqujausimajut katimajinut (niruaqataunnngilluni iqqanaijaqti aulattijiuguni) kajusitititauguni iqqanaijaqti piiqtauluni; uvvalunniit

8.7.1.4 Inuujunnirninga iqqanaijaqtiup.

8.7.2 Inuit Tapiriikkut Kanatami allavvingat iqqanaijaqtiqarunniirniruni pillarigiaqaqquq uvvalunniit inuqarunniiniqqat, aulattiji imaigunnaqquq atuliqujausimajuqtigut tikkuqaqsiluni inummit inangiikainnarajaqtumik isulilauqtinnagu qanutigiuninga uvvalunniit tikkuqaqtaujuqarniqqat.

8.8 Katimajiujjusiat

Katimajiit pillarigiaqaqqut aaqqisimalutit qangakkutuinnaq katimajiujjusianit ammalu asinginnit iqqanaijarnikkut uvvalunniit pijittirarnikkut angijuqqaamit ammalu aulattijimmarimmit. Angijuqqaq tungilinga pillarigiaqaqquq katimajiujjusianit aulattijiuluni Inuit Silarjualimaamit katimajirjuangit (Kanatami). Titiraqti/Kiinaujaliriji pillarigialik katimajiujjusiaqattariaqaanngittuq, katimajiunirmut kiinaujaliat uvvalunniit qautamaaqtuqsiutiit akiliqsuqtaunig

upassimaninganut katimaniujunit ilagijaujut uvvalunniit katimaniqaqtillugit katimajiit.

Ilanga 9 Kikkutuinnarnut Kiinaujalirijimmarik

9.1 Kikkutuinnarnut Kiinaujalirijimmarik

Katimaniq arraagutamaaqtuqsiutilimaanik ilagijaujut pillarigiaqaqquq tikkuqaqsilutit kikkutuinnarnut kiinaujalirijimik allagviqaqtitaulluni matulaunnngininganit katimaniq arraagutamaaqtuqsiutimit kingullirmit ammalu, tikkuqaqsisimannngikkutit, kikkutuinnarnut kiinaujaliriji kajusituinnarajaqtuq allagvimmit kisiani tikkuqaqtaujuqaruni. Ilagijaujut imaigunnaqqut, niriunanngitukkut katimaniq, piiqtaulluni kikkutuinnarnut kiinaujaliriji atuliqujausimajuqtigut isulilaunnngininganit kikkutuinnarnut kiinaujalirijiit isuligvingat allavimmit, ammalu pillarigiaqaqquq, niruaqtut amisuuningigut katimatillugit, tikkuqaqsilutit asianit kikkutuinnarnut kiinaujalirijiit inangiqtaulluni kikkutuinnarnut kiinaujalirijiit isuligvinga. Ilagijaujut tikkuqaqsinningikkutit inangiqtissamik kikkutuinnarnut kiinaujalirijimit, aulattijiit pittautigijariaqaqqut inangiqtissamit allavimmit inangiqtissamik kikkutuinnarnut kiinaujalirijimit, aulattijiit pittautigijariaqaqquq inangiqtissamit allavimmit kikkutuinnarnut kiinaujalirijimit. Katimajjusiat kikkutuinnarnut kiinaujaliriji pillarigiaqaqquq katimjinut aaqqiktaugiaqarajaqtut.

Ilanga 10 Sapujjauniq Aulattijinut, Niruaqtulirijiit, ammalu Asingit

10.1 Killiqaqtitauijut Akilirialiit

Ukua ilagijaujut angirutit maligaullunniit ilanganit 10.4, Inuit Tapiriikkut Kanatami pillarigiaqaqqut nalliukkumaaqarluni aulattiji uvvalunniit niruaqtuliriji Inuit Tapiriit Kanatamiikkunnit, aulattijiuniku uvvalunniit kinatuinnaq inuk pillarikainnaqtitauguni uvvalunniit pilirikainnaqtuq Inuit Tapiriikkut Kanatami tussirarnirutit aulattijimit uvvalunniit niruaqtulirijimit, uvvalunniit kinatuinnaq ajjipaluanit pilirikainnaqtuq, timiujunit asinginnit, ammalu angutauguni arnaugunilunniit inangijitsait ammalu maligalirinirmut kiggatuqtiit akilimaangit akiraqturlugit, akilissait ammalu aulattijunnautiit, ilaliutilugit akiliqtaulaqtut aaqqiumanirmut uvvalunniit isumaksaqsiurlutik angiqatigiinit, inuk qanuiliuqtaujuq inungmut qanutuinnaq inuuqatigiinut, pirajaktunut, uvvalunniit qanuiliurutaunut inungmut piliriqataujumut katujjiqatigiinut Inuit Tapiriikkut Kanatami uvvalunniit asingit timiujut.

10.2 Sivuningagut Tungauttisimajumit Akingit

Ukua ilagijaujut ilanganit 10.4, Inuit Tapiriikkut Kanatami pillarigiaqaqqut tungauttisimajumit akiliqtauniq aulattijimut, niruaqtulirijimut uvvalunniit kinatuinnaq inuk akiliutissanit, ammalu aulattijunnautiit kajusitinniarlugit ilanganiittuq 10.1. Kinatuinnaq inuk pillarigiaqaqquq akilissairluni kiinaujanik kinatuinnaq inuk akilissaingikkuni titiraqsimajunit ilananiittuq 10.3.

10.3 Kigliqaqtitaujut

Inuit Tapiriikkut Kanatami pijunnaqqut nalliukkumaaqattinngilutit inungmit ilanganit ataanittuq 10.1-mit kinatuinnaq inuk kisiani:

- 10.3.1 Sulittiaqluni ammalu ukpirusuttiarluni takunnarluni piulaanit pigumajanit Inuit Tapiriikkut Kanatami, uvvalunniit imaignunnaqquq, piulaanit pijumajanginnit asingit timiujut kinatuinnaq inuk aulattiji uvvalunniit titiraqti uvvalunniit ajjipaluanit piliriji Inuit Tapiriikkut Kanatami tupiqsuqtanginnit; ammalu
- 10.3.2 Pirajannikuugutit uvvalunniit kiinaujalirinirmuungajunit iqqaqturassaliangusimaguni akiliititaugajaqtuq, tainna inuk pijjutiqattialauqtuq ukpirusunniraqtuni qanuiliurnirilauqtangit maligatiguunganinginnik.

10.4 Qanuiliurniit

Inuit Tapiriikkut Kanatami pillarigiaqaqqut, iqqaqtuivimmit angirutimit, nalliukkumaaqarnirmik kikutuinnait inuk ilanganiittuq 10.1, uvvalunniit tungauttisimajumit akiliqtauniq ilanganiittuq 10.2, iqqaqturassaliangujuqarniqqat uvvalunniit iqqaqturassaliuqtuqarniqqat Inuit Tapiriikkut Kanatami uvvalunniit asingit timiujut isumaliurinirmut isumagijaminik, kinatuinnarmut inummut nalliagutuinnaq sanajaunniqqat iqqaqtuivikkuuqtitauluni suuqaimma kikkutuinnait katujjiqatigiit Inuit Tapiriikkut Kanatami uvvalunniit asingit timiujut nalunaiqsisimajut ilanganit 10.1, akilimaangit akiraqturlugit, akilissait ammalu aulattijunnautiit, isumaksaqsiurlutik angiqatigiinit, inuk qanuiliuqtitaujuq iqqaqtuivikkutigut, kinatuinnaq inuk malittiarniruni piqujanik ilanganiittuq 10.3

10.5 Killiaqqtitaunngittut

Inuit Tapirikkut Kanatami nalliukkumaaqattitijunnarillutik kajusitinniarlugit ilanganit 10.1 asiagullunniit piqujaqtigut pijunnautiit uvvalunniit pijarialingigut. Tavvani maligaralaanit killiqangilat kinatuinnarmut inummut pijunnautigijaujunit nalliukkumaanik asiaguungaarlunniit maligialinnit taakkunani maligaralaanit.

10.6 Nalliukkumaat

Inuit Tapiriikkut Kanatami pillarigiaqaqqut, qangalimaaq, ingirratittinnarlutit atuliqtitaujunik suurlu aulattijinik amma niruaqtulirijinik saattautuinnariaqarnirmut nalliukkumaanik angiqtautuinnariaqaqqata katimajinut.

Ilanga 11 Kisutuinnait

11.1 Immikkut Avviarutiqarniq

Aulattijiujug uvvalunniit niruaqtulirijiujug, turaatautigijumik turaattautiginnittumillunniit, asianit immikkut avviarutigiusappauk pijjataujuq ilaliujjauluni Inuit Tapiriikkut Kanatami pillarigiaqaqqug nalunairniaqqut pijumanirijaujunik angininginganut ammalu atuqtaujariaqaqtutigut piqujakkut, ammalu asingitigut maligait atuliqtitaujunnaqtut katimajinut

11.2 Kanngunaqtuliriniq

Aulattijiit, niruaqtulirijiit, ilagijaujut kiggaqtuijingit, tilisiniq kiggaqtuqtissanik ammalu qautamaat ilagijauvattuq pillarigiaqaqqut kangunaqtuutittinnarlutit tusaqtaugialilimaanit Inuit Tapiriikkut Kanatamiikkunnit, ilaliutilugit tauqsiiqattauginiq kanngunaqtunik, kiinaujalirijjut titiqqat, titiraqtausimajut qaujisaqtaunikuit, tusaqtaugialiit uvvalunniit, asingit paippaat ilaliutillugit pilirianguvattut ammalu iqqanaijarnirivattangit Inuit Tapiriikkut Kanatami.

11.3 Maligaq

Katimajiit nalunaiqsituinnariaqaqqut surlu maligialinnik ammalu maligiaqaqpattunillu malinginninginnik tamakkununga maligaralaarnut aktuanilinnut aulattiviqarnirmik piliriangujunik pilirianguvattunillu Inuit Tapiriikkut Kanatami sukkalijulluni.

11.4 Qaujikkainirmut maligialiit

- 11.4.1 Qaujikkainirmut uvvalunniit titiqqakkut malittaujariaqaqqut piqujait, ilanga uvvalunniit maligaralaat, aullaqtitauluni ilagijaujumut uvvalunniit aulattijinganut Inuit Tapiriikkut Kanatami pigumaguni aulatittiluni akiliqtausimajukkut turaarutiqaqtumit, uvvalunniit pijumaguni immikkut pajugutigiluniuk, kinatuinnaq inuk turaarutingit titiqsimajut titirarvingannit Inuit Tapiriikkut Kanatami, uvvalunniit imaigunnarillutit qarasaujakkut aullatittiniq, ilanga malillugu piqujaq ammalu una maligaralaaq. Qaujikkainirmut uvvalunniit titiqqaq aullaqtitauniku malillugu ilanga 11.4 ilagijaujumut uvvalunniit aulattijimut Inuit Tapiriikkut Kanatami tujuqtaujumut tikitaavigigajaqtanganit titiqqalirijikkut atuqtaugajaqtuq titiqqakkuvikkut kisiani pijjutiqaattiaqat ukpirusunnirmut turaaruti pilaunnginninganit qaujikkaijjutimik titiqqamillunniit taikani uvvalunniit tamakkirlugik. Qaujikkainirmut uvvalunniit titiqqakkut aullaqtitaunikuit qarasaujakkut pillarigiaqaqquq nalunaiqsimajumit titiqqamit malillugu piqujaq ammalu una maligaralaaq.
- 11.4.2 Pijaaqqukkuunngittuq tinijaunngittuq qaujikkaijjutimit kinatuinnarmut ilagijaujumut, aulattijimut, niruaqtulirijimut, qautamaat ilagijauvattuq, kikkutuinnarnut kiinaujaliriji uvvalunniit ilagijaujuq katimajiralaangit katimajinut uvvalunniit tikitaunngikkuni qaujikkaijjuti kinatuinnarmut tammaqtumullunniit qanutuinnaq tusaqtittijutimit attuinngilluni pijjutaujumit attuqtumik atujjaangilaq qanutuinnaq qanuiliurutimik qanutuinnaq katimanirmik malillugu asiagullunniit nanijaujuq qaujikkaijjutimik

Ilanga 12 Maligaralaat Aaqqigiarutaujut

12.1 Aaqqigiarutaujut

Katimajiit pigumagutit, pigiaqtitijutimit, sanalutit, aaqqigiarutimik uvvalunniit maligaqtigut qujanaaqsinirmik qanutuinnaq maligaralaanungajunit atuagaujunit piliriangujunik pilirianguvattunillu Inuit Tapiriikkut Kanatami. Qanutuinnaq suurlu maligaralaanit, aaqqigiarutaujut uvvalunniit maligaqtigut qujanaaqsiniq pillarigiaqaqqut atuliqtitauluni tavvangat ullunganit pigiaqtittijut aulattijinut katimakkanilirutit kingullirmit ilagijaujunut taikani nalunaiqtaugajaqtuq, angiqtaungikkuni uvvalunniit aaqqigiaqtauguni ilagijaujunut ajjiungittukkut

piqujivungaaruti. Maligaralaaq aaqqigiaqtaujuq uvvalunniit qujanaaqtaujuq
nalunaiqtauppat uvvalunniit nalunaiqtaunniruni aaqqigiaqtausimanginganit
katimajinut atuutiqainnaniaqtuq tatatirialinnik nalanaigtulauqtuq. Maligaralaaq,
aaqqigiarutaujut uvvalunniit aturunniiqtuq attuiniqarunnaqtuq tunijaunngippat
ilagijaujunut katimakkannilirutit ilagijaujut uvvalunniit angiqtaungippat
ilagijaujunut katimatillugit.

